

庚子免丹陽丹徒蝗災田租

辛丑吉安知府黃宗明為福建都轉運使南京都察院經歷黃綰為南京工部員外郎隨州知州金逵為武昌同知光祿署丞何淵為上林苑監丞連城訓導陳雲章為建寧教授嘉祥教諭王价為東昌教授皆議大禮者

命權閔金輸承運庫錢輸廣惠庫復獨流啟葦課指揮等官丙午真正一真人張彥頰府第災求建遣內臣為植工科都給事中黃臣等臣言日趙秦榮三邸災詔行閱視而彥頰輒以煩有司是出親王上也昔漢樂巴噀酒殿廷成都火滅


彥頰道術曾不家是救焉用之不聽

戊申吏部上錄用大禮及建言諸臣張驄桂夢及科道皆請之報罷

庚戌大計拾遺湖南廣東提學副使蕭鳴鳳魏校山東兵備副使牛鸞僉事顧璫皆降調有差

癸丑玉田伯蔣輪卒贈太保謚

二月甲寅朔御史雷應龍言光祿寺歲餉鷹犬肉萬六千五百餘金斤飼虫鳥菜苴菊秫五千二百餘石費財損德命覈其費罷之



龍虎山道士邵元節為真人賜銀印直顯靈宮

乙卯裁漢陽府同知

戊午盜起淮安之洪澤掠泗州

大學士賈詠啓玘主禮闈

先是王魯番求貢兵部以叵測下鎮巡官諭之果悔過方許

否者拒絕嚴備禦

乙丑出岷庠人家屬于高墻

庚午靈邱礦盜千餘人拒傷吏卒

定陝西召募陞賞格

壬申順天保定河間大饑賑之

巳卯罷永寧恭將

庚辰免太原田租

壬午出京倉粟十萬石平賑糶饑民

莫登庸賂欽州判官唐清為黎庶求封提督右都御史張嶺

寘于獄死之

三月甲申朔廣東瓊山縣雨雹傷稼


罷固原等鎮催糧郎中

乙酉趙王家廟火

國權

嘉靖四年

三



江西廣昌縣雨雹傷禾苗

丁亥復故南昌知府鄭璫官

癸巳遼東總兵官卻永疾去副總兵楊鎮為都督僉事代之

丙申免甘肅降夷哈密遷徙初陳九疇以異類議築城居之

楊一清言彼不為患何猜焉

戊戌策貢士于奉天殿賜龔用卿楊維傑歐陽衢等進士及

第出身有差

復遣內官織絨陝西

許軍民人等犯徒輸粟以贖不得視事徒一年罰米一石

壬子誅宣城亂民何隆初高淳派馬于宣城等縣既得旨各

縣人大譁知府及宦懼白于巡撫陳鳳梧巡按楊鏊諭散事

聞還高淳馬按隆罪戍九人

四月癸丑朔吏部右侍郎溫仁和詹事董玘教習庶吉士

丙辰階州地震日累聲如雷


四川芒部隴氏平設鎮雄府流官轄懷歸化威信安靜四長

官司以順慶府通判程洸為知府

德

已未詹事桂夢張璫許奏大學士費宏私貢玉蓋璫夢入玉

堂兩脩寶錄經筵日講主鄉試教習庶吉士皆不得與心憾



宏宏自辨臣受攻宜即去顧皇考實錄未成所為戀  
上温旨答之

侍讀學士唐皋卒

故南京刑部尚書孟鳳贈太子少保

癸亥南京右都御史聶賢為南京刑部尚書

貴州安南衛地震癸酉遼東金州衛地震

乙亥廣西思恩府叛徭卒

丁丑前吏部員外郎薛惠削籍河南撫按官以陳流所劾案  
蕙俱無驗當復秩不許

辛巳武舉賜宴兵部大學士費宏主席列武定侯郭勛于尚  
書下勛上章爭之卒如勛請

五月癸未朔設三水縣于廣州


總督陝西王憲議出塞勦虜上難之令隨宜戰守勿倖功  
以啟邊衅


四川建昌衛地震

丁亥南京右副都御史李承勛為南京刑部右侍郎

己丑湖廣荊門州地震陝西岷州衛大雨雹

辛卯嚴禁西山戒壇及天寧寺受戒僧人通諭天下





甲午廣東肇慶府猖賊焚掠殺守備李松

前南京戶部尚書蔣昇卒

乙未夜月犯天江南第一星

丙申錄金吾衛指揮同知張雄世指揮使兄英先朝諫南巡杖卒

夜月食

戊戌左都御史顏頤壽請正太監黃玉趙綱之罪 上切責

之黃玉守備潼關貪虐趙綱筦甲字庫苛索俱得宥

庚子提督陝西兵部尚書楊一清復吏部尚書武英殿大學

進少師直閣已席書言一清既少師則殿名當遞轉指費宏

敗斲 上以手定不之改

金星晝見

辛丑刑部尚書趙鑑致仕 上作詩寵其行

四川流盜平

壬寅巡撫山東右僉都御史張九叙改南京提督操江

甲辰楊一清上五事聖學聖政聽言宥過和衷 上是之

直隸滿城縣大雨雹

少詹事霍韜上言內外官遷轉不當苟循資格上自內閣卿

貳翰林下而部屬科道皆必出而補外 自監司守令及教

官乙榜歲貢皆必擢而補內一以肅太祖時為法下廷議  
庚戌左都御史顏頤壽為刑部尚書

六月壬子朔禮部尚書席書日青賜酒饌作詩慰之

甲寅程輅陳守愚為兵刑科給事中鄒傑為南京工科給事  
中端廷赦張祿蔣錫吳仲楊瑛任淳為御史石瓘王琇為南

京御史

山西蔚州廣靈雨雹

乙卯山東沂州大水

丙辰直隸河間山西大同俱雨雹

辛酉刑科給事中沈漢言霍韜遷轉議非是上切責之

壬戌吏部尚書廖紀等覆奏翰林諸臣或司典故或上經筵  
或備顧問或代王言異朝優異視他官為重况九年考滿方

陞二級間過編纂乃一轉官原不待以常調撰而下非首


甲即庶常儲養數年若調外六品則府通判同知矣二甲尚

為主事知州以此相待夫豈人情吏部銓衡原非他比資望

既深量處京堂亦不為過然亦間有外補既入內閣又遷外

僚豈隆重禁地之意部堂遷參政為有罪者言與有功者言

與皆臣等所未解也 上命隨時斟酌以聞



癸亥楊一清言陝西織造弘治間有之旋行旋止正德間太監廖巒等剥民膏脂痛苦入骨今遣內臣縱謹厚安靜而官舍近作豈皆一一守法以不急之務而重困夫奄、垂盡之民乎且織局雖在西安而羊絨必取之臨洮蘭州此地凋敝民不聊生乞早降德音將太監梁玉取回所織羊絨袍服等件付鎮守太監晏宏巡撫都御史王盡督造不聽

甲子 上御平臺召閣臣費宏楊一清石瑄賈詠各賜詩一南京刑部右侍郎李承勛為南京刑部尚書

丁卯工部郎中陳毓賢請開寶應汎光湖月河從之

萬全都司及宣府雨雹

戊辰紫崇義為通政使宋滄陳經為左右通政

侍讀汪佃往福建建陽較訂刊籍時坊刻多訛巡按御史楊

端提學副使邵銑轉銳請專官教訂故以佃往


禮科右給事中謝賁請嚴刑禁命都察院下撫按各戒諭

壬申兵部左侍郎胡世寧引疾改南京吏部

前太常寺少卿潘府卒浙江上虞人進士歷任提學副使終

養薦陞太常寺少卿致仕性至孝生平篤行好著述 上聞

其孝例子祭墓



甲戌豐潤伯曹愷卒

乙亥詹事張璠省墓

蠲應天諸稅

宥長沙大盜李鑑初席書巡撫湖廣劾長沙知府宋卿貪酷  
陷李鑑大辟而鑑寔行劫殺巡撫馮琳上遣大臣往按之  
獄上如故律上逮鑑入京下獄席書代鑑疏辨曰臣議禮  
忤朝臣故歸罪鑑為出宋卿地乞勅法司覆讞從之刑部請  
下撫按再勘不許竟戍遼東

設遷曰議禮于他事何預輒引之為重仇忌中傷百相飾

也護前不已轉而誣構席書桂萼殆甚之矣今日釋李鑑

後日釋李福維辟作威惟臣行臆三尺法安在哉

丙子 恭穆獻皇帝實錄成


侍讀王玉錫為四川布政司左叅政

丁丑庶吉士張治授編修

番賊二百餘騎寇甘溝虜數犯洮河多殺掠上責搃兵鄭

卿守備由登叅將王璣等各戴罪逐虜

刑科給事中管律言今之言事每借議禮為詞或乞休或引  
疾或稱罪或代辨于議禮不涉而務援引牽附其故何哉蓋






欲中傷人非此無以激怒欲固已寵非此無以邀權乞嚴加  
戒諭自今言事宜據事直陳毋假借飾詞 上是之即下都  
察院戒諭諫禮諸臣  
戊寅廣東新會盜起  
徐沛河溢壞豐城縣


庚辰前太子太保戶部尚書韓文平字賢道山西洪洞人成  
化丙戌進士授工科給事中數直言敢諫出為湖廣叅議累  
官都御史歷南京兵部尚書改戶部正德初議斥劉瑾致削  
籍輸粟三千石 上即位詔存問進太子太保文清修耿介

識量宏遠居常抑、臨事毅然不可屈贈太傅諡忠定

袁表曰自古小人之窺伺神器者必先誅僂以立威而後  
其勢乃成然必先去其素所畏憚之人而後可以如志是  
以石顯殺望之王甫誅陳竇何者忠佞不兩立其勢然也  
華容洪洞皆逆瑾之所畏忌者也然其得禍最烈而首先  
去之是固知其必不附已且不如是不足以逞其所欲也  
噫有天下者其毋使小人去其所畏以成其勢哉

大學士費宏等以 獻皇帝實錄歸侍衛功司禮太監張佐  
黃英戴永有原編實錄司設太監楊保陳清錦衣正千戶翟





裕陸松各有纂助于是佐等歷錦衣指揮僉事莫永俱正千

戶保百戶清總旗俱世襲裕松進指揮僉事

金星犯井

七月壬午朔駙馬都尉京山侯崔元攝享太廟禮科左給事中

章以為言奪俸三月

乙未伊王訐淵薨

丙申南陽牛生犢兩首

戊戌募商納芻直隸山東河南聽其自輸餘計直悉輸戶部

給商輸之

庚子 上監觀德殿命改建于奉天殿左部科止之不聽

令廷臣四品翰林五品各舉守令有功者超擢從御史朱豹

之請

壬寅 上作世廟樂章用文德之舞張璠曰必以武功定天

下得用舞禹固揖讓得天下大禹謨舞干羽于兩階則天

子皆兼得矣詩曰簡兮簡兮方將萬舞壬午猶繹萬入

去籥為萬舞之摠名則諸侯皆兼用矣議者謬引漢景之詔

不知漢人文始昭德之舞未嘗無武也國制王廟亦未嘗去

武舞使八佾而用文去武則西階之容聽其左闕其右何以

武四方垂萬世也從之增武舞

甲辰盜劫九江鈔關主事陳儒尋追擒之

乙巳禁勦威都督及朝臣四品下乘輿軍藏上馬毋杭兵部尚書閱軍騎行

真人邵元節求免貴溪仙源觀徭役許之

是月莫登庸將喬文崑率兵降于黎諲自清華進攻彰德

縣文崑以舟師攻木瓦州三岐江登庸間道襲諲走執諲

妻鄭淑寶沉于江諲自是不振登庸鳩其主黎應并殺其母

八月壬子虜入井坪叅將李瑾戰于荷葉山卻之

乙卯錢維嗣安昌伯

河南布政使叅議王億戍南海衛通判李思仁削籍以華奸

民張舉等死之被許逮獄刑部擬億削籍思仁復官上特

重之

甲子潞州同知胡侍削籍知州邵經謫輔國將軍新漚許試

諸生策目怨望譏切并及經下獄

壬申進士應檟等待銓尚遠乞如舊例放歸依親不許


乙亥示輔臣手書法祖安民奉天行道福道禍淫十二字


九月癸未火星犯上将星

國權

嘉靖五年

十二





乙酉魏有本王重賢張惟恕熊爵吳大本張藩陳貴廖自顯

陳邦敷為御史南仝田玉楊叔器為南京御史

戒諭法司聽斷私枉致入愬者罪之

丙戌世廟成問章璉章聖皇太后可一謁否璉荅文獻通

考載唐開元禮及會典國初皇后廟見禮內外命婦陪祀後

立奉先殿于大內始止謁奉先殿今禮因義起一復古制

上從之禮部左侍郎劉龍等言璉等所引則大婚禮也于大

祭不倫不敢輒擬張璉珪夢復言周禮宗廟之祭王冕服立

于東序后副禘立于西序九獻之禮王與后遞舉焉後世禮

湮僅存于開元我太祖載在會典崇何槩廢也尚書席書

方在告請如璉等言從之

辛卯奉安獻皇帝主于世廟

乙未兵部尚書李鉞致仕

免真定河間水災田租

戊戌皇太后謁廟

癸卯科道數論武定侯郭勛培克狗賄不問

丙午張璉論費宏劫制府部謂其囑兵部尚書李鉞不應

也上不問

庚戌山西宗祿始折支每石夏稅六錢秋糧八錢放支折銀  
五錢巡撫江潮議上

廣西布政司左叅政蒲圻胡堯元卒于橫州贈布右政使

十月壬子免應天徽池蘇常鎮江太平安慶浙江山東災租

戊午薊州總兵官馬永罷永頌前總督陸完討流寇功乞贈

廕并宥學士豐熙等罪 上切責其妄言

己未巡撫陝西右副都御史王蓋為工部右侍郎兼右僉都

御史督買大木脩仁壽宮尋疾辭

辛酉兵部右侍郎王時中為兵部尚書

壬戌作 獻皇帝恩紀詩序

前南京戶部尚書蔣昇卒全州人成化丁未進士與弟大學

士冕敦睦友愛家庭肅然家居杜門不與州郡事操履清白

始終一致贈太子少保

蔚州星隕天鼓鳴

丁卯曹愷嗣豐潤伯

戊辰災變遣大臣祭告郊廟社稷山川


費宏子編脩懋良為張璁桂萼所陷下獄尋釋


己巳試御史魏有本請斥郭勛用馬永忤旨謫

國權

嘉靖五年

古





救不聽吏部尚書廖紀回南京營務薦永及楊銳可任并救  
有本遂復有本御史楊銳南京坐營

庚午 上作敬一箴及注范浚心箴程頤四箴費宏請刻于  
天下學校從之

定國公徐光祚爭撫寧賜田請勘以戶部言止勘仍歸民間  
癸酉兵部尚書王時中提督團營

甲戌傳制封厚燭徽王勤煥瑞金王勤斌商城王睦桴富陽  
王 昨城王勤燭永寧王融烜南平王顯梧永安王祐儒  
鎮寧王

丙子巡撫甘肅右僉都御史寇天叙為右副都御史巡撫陝

西巡撫貴州右副都御史熊一漢為南京大理寺卿

丁丑編修孫承恩奉命輯尚書善惡事編詩六十首賜名鑑

古韻語

岑猛敗走歸順州被殺函獻

十一月庚辰朔癸未御道上有匿名書二鴻臚寺以聞費宏等  
請燬之報可仍嚴禁

乙酉大理寺右少卿袁宗儒為右僉都御史巡撫貴州

兵部右侍郎張璉詹事桂夢屢劾費宏乞休不允璉等恐

上未省覽復醜詆宏并錄前三疏有旨俱朕親覽安有蒙蔽  
爾其各脩乃職

戊子江西按察僉事汪應軫引疾遽去命逮訊吏部為請特  
令致仕

甲午夜月食

庚午兵部尚書李鉞卒河南祥符人弘治丙辰進士授御史  
累今官長于軍旅料敵奇中嘗提督西陲以數百騎覆虜衆  
五萬時稱奇捷贈太子太保謚恭簡  
乙巳前教授王价光祿寺錄事錢子勳俱察免嘗議禮復求

秩科給事中解一貫等以壞成制啟僥倖且將來人相援

比臣等無所復守 上從之僅令致仕

丙午勞賜兩淮巡鹽御史戴金羊酒文綺蓋積金六十餘萬

十二月己酉朔壬子四川左布政使林茂遠致仕加右副都御史

己未工部尚書俞琳致仕

張璉桂夢及霍韜方獻夫再修議禮全書


辛酉陝西流盜平


癸亥大學士楊一清以災異極言請罷 上嘉納之特賜勅  
諭仍戒群臣脩省

國權

嘉靖五年

共





甲子禮部尚書席書等集議十六事給長單戶部給解戶裁完納內府

民運山東河南直隸定冊封禁越奏處造辦俱指王府久貢成嚴

查停冒濫覈軍功議弭盜卹高墻慎誣枉處軍餉禁奢侈勘

飭武備懲嚴苛上大是之俱採行四品以上官自陳

丙寅戒諭群臣

辛未左都督時源言邊務寔邊軍息馬力明賞罰報可

甲戌山西巡撫右副都御史江潮巡按御史馬錄給事中鄭

自璧秦祐常泰等御史邵幽等各劾武定侯郭勛庇盜蔑法

當罪上移李福達獄至京訊之

乙亥前應天通判祝允明卒長洲人弘治貢士以文翰著

丁丑張璉桂萼等力攻費宏乞休不允

戊寅暹羅國坤思悅喇者來朝的利等入貢

辛巳雲南左布政使傅習為右副都御史巡撫雲南

是年孟養思倫法攻緬甸破阿瓦城執宣慰使莽紀歲殺掠

亡筭遂與木邦分其地蓋報執思任發之怨也命永昌知府

嚴時泰諭之不聽



嘉靖六年丁亥  
正月己卯朔  
庚辰雨大冰壬午亦如之  
癸未令廷臣四品以上條救荒事宜光祿少卿余才言限品  
則求言未廣  
上即令才條議  
甲申署都督僉事張倪總兵鎮守薊州  
戊戌吏部奉詔錄先年被譴諸臣惟議禮者不與

國權  
益官設遷孺木著

嘉靖六年丁亥

正月己卯朔

庚辰雨大冰壬午亦如之


癸未令廷臣四品以上條救荒事宜光祿少卿余才言限品

則求言未廣

上即令才條議

甲申署都督僉事張倪總兵鎮守薊州

戊戌吏部奉詔錄先年被譴諸臣惟議禮者不與



國家圖書館, NATIONAL CENTRAL LIBRARY, TAIWAN, R.O.C.

己亥四川橫江叛卒平

庚子勅纂修大禮全書大學士費宏楊一清石瑄賈詠禮部尚書席書總裁兵部左侍郎張璁詹事桂夢副總裁少詹事方獻夫霍韜前河南右叅議熊浹福建鹽運使黃宗明脩撰席春編脩孫承恩廖道南王用賓張治南京工部員外郎黃縮禮部主事潘潢曾存仁纂修

前山東提學副使趙鶴杖訓導斃之至是補兵備霸州不許給齊庶人喪費

乙巳旌輔國將軍成鑠夫人李氏孝行


二月戊申朔虜犯宣府水地莊叅將王經戰沒

壬子禮部尚書席書疾甚致仕進武英殿大學士賜第京師免福建廣西災租

鴻臚寺卿黃紳請經筵失儀科道官退疏上免面糾從之南京工部右侍郎何孟春疾去

順天府丞張仲賢為右僉都御史整飭薊州兵備巡撫順天丙辰工部右侍郎何天衢卒字道亨 人弘治丙辰進士

令嘉興拜御史劾馬文升見譏巡撫河南裁悍藩平王堂至是理易州版善皇極數學見木介嘆曰京房有言涌泉出道




人死今木稼吾其已乎

已未錦衣衛署百戶王邦奇嘗傳陞千戶怨楊廷和詔削級  
及辨復兵部尚書彭澤抑之益次骨至是言哈密失國之由  
彭澤督甘肅時賂番求和及廷和草詔論殺馮亦虎仙所致  
誅此二人更選大臣興復則邊事尚可為下兵部未覆邦奇  
又言大學士費宏石瑄俱廷和黨欲為地夜過楊一清所觴  
見而出廷和子兵部主事惇匿舊牘致無契驗義子侍讀葉  
桂章壻僞撰余成勛等交通請託皆下獄廷訊桂章使唐府  
命逮入禮科給事中楊言奏先帝宴駕江彬挾邊兵四萬

圖為不軌國家岌岌殆矣廷和不愛其死以密謀誅之頃刻  
遂定策立之計此社稷勛也即使有罪猶當十世宥之今以  
奸人巧詆既褫其爵又逮其子若壻乃又聽邦奇之誣盡逮  
其鄉里此何為者至費宏石瑄之陰私尤無左証惟陛下  
財察之若以無籍曖昧之詞成師保大成之獄能不為聖德  
累哉上怒并鞫于午門至折指終不易謫宿州判官惇削  
籍成勛免官邦奇希進降摠旗仍下督撫詳議哈密

馮時可揚言論大禮救故相侃侃危論至折指而不易其  
忠亦懇矣哉出為循吏處為廉士何一毫可指摘而以察



罷也錢神所投至賊俊戩而不顧自古如此哉

辛酉起羅欽順仍禮部尚書

癸亥大學士費宏石珪致仕珪疏稍戇仍切責不給駟自貫車一輛以行宏雖乘傳而金幣廩役闕如也蓋張璁桂萼攻宏甚又新中王邦奇之間也

徐學謨曰嗚呼當夫小人交構國是傾搖假令言官乏楊言鳳鳴之諍大臣無費石珪悲之感大禍終不解矣嘉靖初年朝廷有人哉

乙丑總督南京糧儲右副都御史韓荊為南京工部右侍郎

戊辰免韶州南雄田租

己巳設田州府流官

真人邵元節還山


庚午楊一清薦前大學士謝遷詔內召

辛未太僕寺卿閔楷為工部右侍郎

命惠安伯張偉總兵左府都督同知魯綱萬全都指揮僉事

劉淮為左右叅將練新兵聽征

甲戌上觀宋朱熹尤溪縣明倫堂銘作自得有述一篇末云楊一清為喬字之師則師不從桂華為桂萼之兄則弟不



親湛若水為方獻夫之友則友日踈吁勢利奪人可垂世戒


丙子遼東大飢

丁丑南京太僕寺卿杭淮為右副都御史總督南京糧儲

三月戊寅朔己卯安南莫登庸自即位稱大越皇帝改元明德  
先使范嘉謨假黎慮禪詔于是立其孫福海為太子寔名方  
瀛頃弒慮并其母殺之偽謚慮恭皇帝時黎諲尚據清華又  
又安順化廣南餘舊臣分據聲援登庸率兵拒諲奪清華據  
之諲走又安又走葵州入老撾宣慰司

田汝成曰黎氏失國而莫氏代之其詳未之詳也在黎氏

必淫洩敗度故眾叛親離在莫氏必陰施市恩故能潛移  
默奪不然豈以一國之主累世之威忽然易姓而更無侶  
義其間者哉桓叔之入晉也晉叔啟之也于是乎有椒聊  
之詠胡恒之伐齊也齊人附之也于是乎有採芑之歎莫  
氏之于安南亦猶是也其得民深矣其自衛固矣征之則  
失春秋詳內略外之體因而與之又非天王正名定分之  
心故不若先之以責讓之詞詰其篡殺之由曉以君臣之  
義以觀其臣民向背之機而徐為之所如其冥然矯虔不  
可諭曉也為之中固閼隘卻擯貢獻絕不為臣則莫氏必




皇、然曰天朝之棄我如是我何以取重于臣民也其臣民亦將曰莫氏為天朝所不赦而吾父子兄弟皆亂賊之黨也庶几有倡議而圖之者則吾中國禮義綱常固凜然觀示于外域也故征之不若棄絕之為得策也

庚辰虜復入宣府大白楊堡叅將關山戰沒部步殲馬達摠兵傅鐸起卻永代之  
延綏虜警增開中蓋引

壬午前少師兼太子太師吏部尚書華蓋殿大學士劉健卒字希賢河南洛陽人天順庚辰進士授編脩弘治中直閣正

德丙寅乞骸家居垂二十年嘉靖改元詔問加賜年九十四風節凝重練習典故有濟世才受知 孝廟盡言匡正多所採納受顧命惜 武宗之不能用也謝政歸聞帝數巡邊幸江南輒泣不食曰吾死無以見 先帝矣人稱有大古臣之節為近世賢輔云贈太師謚文靖

廖道南曰弘治間予從先大夫游京邸飲聞榘庵劉公當國正色允諸僚案謁私宅者不與交及入朝事關大 一言舉累几千言不輟及予登甲科到史館公尚亡恙卒無一言干求恩遇盖古人所謂大臣與



甲申戶科給事中杜桐以疾求改南科 上曰既疾何改為

尋察罷

命撫按考察王府官

丙戌起兵部左侍郎馮清提督宣大山西軍務同太監馬俊

總兵官惠安伯張偉等西征

侍講葉桂章被逮自殺于柏鄉傳舍

丁亥西庫火

山西總兵官楊賢免趙廉代

戊子前少保大學士席書卒字文用四川遂寧人弘治庚戌

進士除郟城令奏最授工部主事造舟淮浦作漕船志改戶

部進河南按察僉事拯飢遷貴州提學副使屢遷右副都御

史撫楚遷南京兵部右侍郎入宗伯自肯謝任 上自作文

祭曰學得真傳德惟一致忠誠端慎簡在朕心欲共圖政化


之淳而遽奪忠良之速後雖同事之臣日式接見獨于謀議


之善不復可聞其悼念如此書有才用多讀書晚以桂夢薦

蒙知恃寵負氣而忤贈太傅謚文襄

己丑故工部左侍郎何天衢贈尚書

辛卯前修撰舒芬卒江西進賢人正德丁丑進士諫南巡杖





謫福建副提舉嘉靖初復御史諫大禮再被杖以內艱歸卒

芬風神玉立有志聖賢之道兼知天文曉音律世名忠孝狀

元萬歷中贈左諭德謚文節

甲午禮部右侍郎翟鑾為吏部左侍郎兼學士直文淵閣鑾

為講官久上特拔之

朝臣考課

虜寇大同逮山西巡按御史馬錄及布按三司官一自外

岑猛餘黨盧蘇王受破田州據之

丙申上問輔臣武弁之制對詩誅韜有與以作六師誅韜

色韜熟皮六月篇曰載是常服誅可弁亦可衣而素裳白烏

也制同皮弁古帝王武事則服誅韜之弁我大明集禮皇

帝親征祭告服武弁則誅韜也結五采玉為飾其詳如此

己亥戶工部尚書秦金王時中趙璜俱罷

永淳長公主選婚陳釗上自定為駙馬都尉方涓吉忽聽

選官余德敷言家世惡疾下禮部郎中李浙奏德敷妄言宜

罪德敷誣浙黨惡并逮浙竟罷釗他選

辛丑吏部郎中彭澤考察謫外張璠言其勸贊大禮乞留從

之澤疏自白曰即使臣以議禮當上心亦不容借此叙優况



寔無片語上達廷筮殆斃安敢欺也不聽給事中楊秉善等  
御史儲良材等各言璫市私恩搖國是上怒亟奪俸二月  
壬辰考察拾遺命工部郎尚書張嶺都御史陳鳳梧林琦周  
金陳洪謨禮部右侍郎趙永 卿崔傑通政黨承志致仕  
留編修廖道南司業吳惠 山自文高慎馬嶺楊文傑吉必顯  
癸卯再訊李福達于午門薛良等三十人共指之語塞右副  
都御史畢昭引戚廣以証薛良之証廣曰我未到官安得此  
語于是刑部尚書顏頤壽等以奏 上怒其偏護且畢昭等  
先勘良証今又勘寔何也俟齋祀畢親鞫之楊一清言治獄

非天子之事仍下廷訊

甲辰詹事桂夢為禮部右侍郎提督四夷館太常寺卿劉思  
賢為工部右侍郎督理易州山廠

四月丁未朔己酉洛容古田盜復起

遣內臣南京織造


辛亥山西左布政使李璋為右副都御史巡撫寧夏起方良  
茂長崇先殿成即觀德殿更名 世廟配太廟此殿配奉先  
皆祀 獻皇帝

日講日顧鼎臣講洪範稽疑卜兆與蔡傳小異 上諭問輔

國權

嘉靖六年

九



臣楊一清引五行以對上是之  
壬申湖廣左布政使林廷楫為右副都御史巡撫保定  
甲戌吏部尚書廖紀致仕進少保  
兵部請補黃花鎮守備官軍  
壬子調延綏總兵官署都督僉事彭英鎮守大同  
御史陳察晉南京太僕寺少卿疏辭且薦前給事中劉世揚  
等太僕例不薦代且上以察在言路久何至轉官而始薦  
也謫海陽教諭  
五月丁丑朔日食

庚辰兵部左侍郎王珣卒

辛巳南京刑部右侍郎王軌改戶部右侍郎

巡撫四川右副都御史鄭毅佐南院

編修廖道南疏洪範九事上嘉納之


壬午起陳珣署都督僉事總兵官鎮守延綏

甲申起禮部尚書羅欽順為吏部尚書遣官即家促就道

戊辰免涿州良鄉固安永清大城文安田租

辛丑裁易州山廠過薪官

乙巳吏部右侍郎溫仁和為左侍郎署詹事府理誥勅



署都督同知張鳳為總兵官鎮守陝西

六月丙午朔兩廣提督軍務左副都御史姚鏞致仕

丁未故瑞州知府宋以方贈光祿寺卿以方湖廣黔陽人知  
宸濠有反狀繕城整集民兵以備濠以他事繫之獄明日反  
械置舟中罵不屈赴水死

總理河道侍郎章拯奏開寧陵縣北岔河出宿遷小河從之  
戊申廢岷王彥汰為庶人以幽囚嫡母也

乙酉編脩林時為司業  
寧晉伯劉岳卒


壬子南京太常寺卿何塘為南京工部右侍郎南京工部員  
外郎黃綰為光祿寺少卿直史館

癸丑通政司右叅議葛檜復孫姓外氏葛華妻具言育養狀  
聽沒後歸宗

廣東左布政使梁材為右副都御史巡撫江西大理左寺丞  
劉源清為左僉都御史巡撫宣府


兵部右侍郎王珣南京兵部右侍郎陳琳皆卒  
刊大學衍義 上序之又作詩閣臣屬和曰珣學詩

上切責吏部趣行之吏科給事中王俊民御史劉隅等言臺



諫自相批抵非聖世事無已請再聽察以上切責之  
辛未賑畿內飢免夏稅馬價物料  
芒部餘孽沙保等陷鎮雄知府程沈走畢節川貴官軍討之  
沙保偽死王官勿察候察捷蓋沈招流人占種夷田沙保因  
以隴勝及隴壽故部阿得等稱兵  
套虜鎖合兒伯通入花馬池常州  
癸酉宣大總督馮清被劾召還尋自免  
九江兵備道仍轄興國黃梅廣濟  
王時中復兵部尚書

虜抵鎮戎所指揮路瑞拒之總督尚書王憲先以中軍都指  
揮李佐洎都督鄭卿參將劉文副總兵趙瑛李義各兵至虜  
北走追敗之細溝斬百九十三級諸將又追敗之初慶陽衛  
指揮劉文以固原守備為參將公薦養馬治兵皆有程告總  
督王憲曰官馬散牧固原之東西海是餽虜也虜必乘我不  
虞憲大徵兵于固原虜果日晡潛入花馬池報至固原憲命  
榆林副總兵趙瑛與劉文各兵先三千行七十餘里已至五  
營固選鋒三百值虜戰堡人乘高望之謂二帥曰選鋒戰矣  
二帥爭馳虜見塵高大遂走越黑水河據北岸水盈尺劉文




馳涉水射殪其雙刀將譯曰此鎖合兒伯通也虜棄岍北走  
據斷山山後澗水深官軍棄騎仰攻虜騎爭趨山山崩擁虜  
騎入澗陷泥淖兩軍謹閑二帥莫能制各與相失夜方詰旦  
各効首虜三四十級而莫知虜所在文居固原久知其匿處  
急上山跡其衆虜岩穴陶復中匿勿出者燒殺之殘虜北奔  
及百里皆裸身而騎涼州都指揮卜雲至邀斬二百餘級時  
邊候惟見一乘驢者初昏出邊則千里馬也  
甲戌涼州都指揮卜雲伏兵青羊嶺邀斬九十五級寧夏總  
兵官杭雄又斬八十三級

是月平涼大雷雨晝晦浚谷水暴壞民居漂士女亡筭

七月丙子朔科道互糾舉更斥給事中鄭自璧孟奇余經御史  
任佃楊瑞張鵬漢南京亦如之

改胡世寧左都御史許羅欽順致仕召李承勛為吏部尚書  
庚辰前南京禮部尚書邵寶卒字國賢無錫人成化甲辰進  
士守陳州愛民訓士累至今官博雅敦行士林重之贈太子  
少保謚文莊初入戶部負外郎郎中遷江西提學副使累進  
副都御史搃漕巡撫江北不事改革其下吏憚之不敢苛黷  
忤逆瑾坐累罷瑾誅巡撫貴州進戶部侍郎予起告起南京



禮部尚書辭嘉靖初再辭許終養談洽應務之才細巨問學

皆遠所著有學史簡端錄二書巡撫吳廷舉上于朝

丁亥罷宣大提督官

己丑少詹事方獻夫霍韶俱直經筵日講

前太子太保刑部尚書林俊卒字待用福建莆田人成化戊

戌進士平生不戀爵附權不畏強禦有犯顏敢諫之節高難

進易退之風穆宗改元贈少保謚貞肅

庚寅提督漕運右都御史高友璣為南京工部尚書

御史胡松言吏部尚書王瓊不可用忤旨被謫御

史周在復言并攻桂萼妄舉下在獄萼又薦瓊命復官需召

談遷曰當時張桂之毀最熾而萼加銳焉薦楊一清則立

相之薦王瓊則立將之言脫于吻人不得角其片語則雖

天子無所撓也猶以此令終非其幸與


壬辰左春坊左贊善謝丕為太常寺少卿提督四夷館

山東早免田租有差

乙未王偉罷李廣為提兵官鎮守廣西

丁酉南京右都御史鄭毅提督漕運兼巡撫鳳陽

己亥蠲順天永平田租有差



庚子復察處御史儲良材良材辨為吏部左侍郎益春右副  
都御史劉文莊所嫉桂萼言其任怨遭誣復之

設遷曰考功之法至嚴重也不幸受玷雖才智迥別無能

自明故祖宗朝守此為霜鉞莫敢攫也張璉之留彭澤

桂萼之復良材而功令弁髦矣彼亞卿猶爾矧持權秉政

之日哉

壬寅起威應期右都御史總理河道

癸卯命祭顯陵視鳳陽皇陵

八月丙午朔免陝西延安府田租

戊申更核軍職冒濫被革者釐為六條酌其去留

庚戌勅進王憲太子太保世錦衣百戶鄭卿杭雄進都督同

知卜雲趙瑛俱署都督僉事餘陞賞有差又諸邊覈功多數

年不報于是遣兵部官往同撫按即以聞


甲寅進楊一清左柱國兼華蓋殿大學士世錦衣衛百戶錄

其陝西功

癸亥大學士賈詠致仕給駙詠嘗東馬錄引咎力求去

吏部右侍郎益春以馬錄東及不引咎下獄

甲子光祿寺少卿黃綰訟王守仁等平宸濠功命給鈇券改



布政戴德孺廕子入太學

乙丑王受盧蘇破思思執知府吳朝英千戶魏瓊等攻武緣官軍間道入思恩府復之

雲南土官坐事及承襲者鎮撫會二司速結奏保

戊辰始命禮部主事金克厚教習駙馬

御史楊彛請罪戍從宜編發遠不過三千里從之

庚午湖廣大水漂沒田廬五府二十四州縣

壬申南京吏部尚書朱希周致仕南察六科俱如故禮部右侍郎桂夢引他事刺希周畏勢希周言給事中才七人其人

寔無可去且五府經歷都事亦無一人去非獨給事中也因引疾

吏科給事中史于光上書往歲先後言禮諸臣伏闕躁妄

陛下怒而罪之凜秋肅物天道也一時玉成之意非欲絕之


近御史張袞疏乞聖宥等蒙勅該部看詳師報既吏部詳覆

上請命下報罷夫天地之春有不動則必舒聖人之仁有

不行則必洽况諸臣皆陛下所親拔擢欲與共圖治理

以茂中興者而廢謫已兩閱歲大臣未遂其先憂後樂之心


小臣未遂其幼學壯行之志家居者或年垂晚暮謫竄者皆





身處嵐瘴一且有如劉安世之齋志以沒如范祖禹之梅州  
不返以 陛下愛惜人才之心必有宥過後時之悔雖人才  
消息代不終乏然沮德明求粟之奸寢淮南叛逆之謀皆譽  
望素著之臣也伏望早定春生之仁即起諸臣懲創之後必  
有感恩圖報大補聖治無疆之休者不報于光晉江人尋卒  
京師居官清厲有求居間者因其妻以請于光佯諾問金安  
在妻出視之于光面空踞咒呪倘愛此子孫絕種矣  
初廣信府同知葉朝陽坐事當逮未至吏部除南京員外郎  
上詰右侍郎董玘引罪文選郎中鄭傑謫外任吏部主事劉


序等奪俸三月  
命按江北北田江南漲田  
癸酉駙馬都尉謝詔尚永淳長公主  
戊寅兵部左侍郎張璫課御史斥謫十二人時璫署都察院  
已卯免江南河南山西田租有差  
庚辰少詹事方獻夫為禮部右侍郎光祿少卿黃綰為大理  
寺左少卿仍纂脩  
壬午吉王見浚薨  
釋妖人李福建署刑部事吏部左侍郎桂萼等訊福建云張



寅五臺人藉匠僑居徐溝嘗貸薛良錢負之故指為洛川人  
李伍入云唵縣李福達也先後情詞互異前訐張寅名氏于  
巡撫右副都御史畢昭安置口外寅子大仁抵勛求救故東  
馬錄欲中勛傳會薛良指張為李指伍為午今寅怨家李  
景全韓良相石文舉等証成之按成化十八年黃冊云李福  
達時七歲弘治二年王良李鉞謀叛方十七歲安有同黨遣  
戍山丹衛乎搃之馬錄借陷郭勛而給事中常泰劉琦負外  
郎劉任成之薛良論死韓良相等永成山西布政使李彰按  
察使李珏僉事章綸都指揮 大理寺少卿徐文華俱永

成邊給事中劉琦御史程啟充盧瓊亦成邊給事王科秦祐  
沈漢程輅及左都御史聶賢劉籍刑部尚書顏頤壽左右侍  
郎劉玉王啟右副都御史江潮劉文莊大理寺卿湯沐少卿  
顧泌汪淵太僕寺卿江玄錫光祿少卿余才吏部右侍郎孟  
春工部右侍郎閔楷右僉都御史張仲賢俱免官馬錄永成  
南丹衛畢昭還任時璵等獻夫以議禮驟顯朝臣嫉之如仇  
璵等亦斷一切齒會大獄興乃協比傾陷以摠積憤部寺而  
下無不被焚毒者寔朝臣有以激之也

徐學謨曰是役也曰大禮而成大獄郭勛武夫謏禮受寵




驕恣無忌目無旁人如爭文武而爭雖所執為是士大夫  
側目矣馬錄本非相如何得輕囑而錄又識事淺欲撫拾  
張寅以傾勛而內外雷同群然黨護互相影射無一指實  
坐以謀反忽改為妖言夢之狀詞頗詳然以報復闡及亡  
辜一時竄跡朝堂几空雖惟辟作威無乃作順之過乎  
詳遷曰事貴詳于始而敗于激薛良訴巡撫畢昭與直指  
小異馬錄何不重剖之也畢昭曰誣錄曰非誣始案未足  
以折其口彼死不擇音求援權貴雖勛之驕恣安有通一  
請寄律以黨逆之罪哉在錄之勳勛不為過南北臺諫白

簡文及將移赤族之罪致討武定不亦激乎設當時息喙  
俟命則福達直太原之死獄何至疑宸聽而涉廷訊哉天  
威震赫縹累舉朝竊為諸君子甚之也

郭子章曰馬御史以成案付三司不能平反謫固宜獨

即

此獄至今尚疑嘉靖四十五年都御史龐尚鵬以四川妖  
寇蔡伯貫反鞠稱師李同而自稱為李伍午即福達也  
孫大仁大禮世習白蓮妖教遂追劾郭勛乞卹馬錄 穆  
廟從之不知 世廟是乎 穆廟是乎張文忠所反者當  
乎龐中丞所反者當乎俱未可知也



癸未劉祖壽嗣寧晉伯


丙戌巡按浙江御史楊燮言日本國例十年一貢來僅百人  
舡三艘不持兵請覈檄彼貢如故事否則拒之報可

丁亥少詹事霍韜為詹事韜疏辭去云內閣推官非祖宗  
制自楊士奇楊榮楊溥及李東陽楊廷和植黨以屬視翰林  
門吏視中書故翰林遷擢不關吏部而中書至緣進六卿友  
一品俸臣嘗建議以翰林遷除盡歸吏部庶不陰倚內閣而  
內閣亦不陰結翰林也 上不允辭  
禮部尚書吳一鵬為南京吏部尚書進太子少保

己丑左都御史胡世寧為刑部尚書

免鳳陽淮安旱災夏稅  
兵部左侍郎署都察院張璠上發奸懲貪事宜即行之  
頒欽明大獄錄

設遷曰天子萬幾何事不可作則釋一李福達即平反允  
愜祇一人一事耳桂萼輩遽沾 上請猶夏虫秋蛙之見  
也隆慶中都御史龐尚鵬上章追論福達之罪果逋逆世  
妖捕治其家而大獄錄又空案矣蓋桂萼輩好立異否則  
無以自見也嗚呼墨之化報之反事經宸斷竟肯欲



朽而後人持其確跡尚起腐魄而誅之則庶獄庶慎毋操

勝于群情之外矣

辛卯右副都御史梁材光祿寺卿許讚為刑部左右侍郎右

副都御史潘希曾為工部右侍郎巡撫四川右副都御史王

廷相回院

陝西布政司右叅政孟洋為右僉都御史巡撫寧夏

甲午李鶴鳴史立模孟居仁為給事中劉泉王繼禮周易王

化吳淮郝元洪趙璫施一德王道毛鳳詔劉模為御史

乙未起劉麟大理寺卿熊浹右僉都御史

丙申吏部左侍郎桂萼為禮部尚書仍兼學士尚書兼翰林

學士自此始

巡撫雲南召副都御史吳祺卒

戊戌兵部左侍郎張璉上科目三事正文體明實錄慎考官


上善之各省始遣京考

故削籍吏科給事中陳洸為廣東按察使周宣潮陽知縣伍

鑑所急走京師令人上書誣前吉安知府葉應驄比部時鬻

獄掠殺人而御史藍田按察使張祐周宣知府唐昇知縣宋

元翰伍鑑朋黨陷臣下刑部桂萼為之請盡逮諸臣詣京師



罷張懋孫懋官吏部侍郎方獻夫以詞連三四百人請再按遣錦衣千戶陳紀往

徐學謨曰陳洗之獄起鄉里與朝議無預其後平反則法司事也亦何與于翰林職掌而學士桂夢以洗議禮之黨務護其短至與刑部趙鑑爭論攘臂相加其噴法滅理豈復知有朝廷紀綱耶則往時議禮之心亦不過私利其身耳原不為上計也

庚子封許淳伊王厚烷鄭王顯樟保康王安浞封邱王睦栲沈邱王睦舉義寧王睦柯博平王融煥寧遠王胤移靈川王

勛涓吳江王祐翰崇安王秉棧保安王邦寧靖江王


壬寅禮部右侍郎方獻夫為吏部左侍郎

湖廣左布政使丁沂為右副都御史巡撫四川

癸卯命王守仁專事田州召太監鄭潤還


甲辰福建按察使周廣為右僉都御史巡撫江西

十月乙巳朔天文生按季考課定去留欽天臺奏木星逆行留并主法令急天下更張改璫言按乾象五星之行皆距合于日以為遲留伏留如木星與日合度而順行漸遲追日不及則遲而留遂逆行矣逆行漸速而遲而留又順行乃更與日



合木星每歲經一次每退必十數度具有成法臺官可問也  
嘉靖六年九月二十八日木星二十四度至十月二十二日  
木星逆行今年正月二十六日留井十五度二月二十一日  
嘉靖五年八月十二日木星留參一度五九月七日 順行矣  
木星逆行十二月十二日留畢七度六年正月六日順行矣  
其進而順行退而逆行皆天道之常或云井為天子之府故  
木逆行留守于井其應云然臣又按正德十年九月十二日  
木星留井二十度至十月六日逆行次年二月始順行又弘  
治十六年十月木星留井十五度逆行至次年二月始順行

此皆木星逆行留守于井弘治四年冬木星亦逆行留守于  
井成化十五年冬木星亦逆行留守于井皆無他故也臣又  
按象緯之書曰木歲星也于人五常仁也五事貌也仁虧貌  
失逆春令傷木氣則罰見歲星又曰木星與土合為內亂為  
飢與水合為變謀而更事今木星井水星躔斗牛及女相隔  
之遠凡六次寔未嘗合也又曰井為天之南門黃道所經為  
天子之亭候主水衡事法令之所取平也王者用法平則井  
明而瑞夫井水宿也嘉靖六年五月至九月木星又順躔焉  
井明而瑞矣此固欽明大獄之徵也又曰歲星進退如度主



奸邪息若有變色亂行主亡福又曰井日月食五星逆犯主  
大臣亂謀兵起又曰凡五星見伏留行逆順遲速應歷度者  
為得其行政合于常遠歷錯度而失路贏縮者為亂行有革  
政飢亂之禍由是言之則遲速順逆者五星之常度也惟合  
散犯守陵歷鬥食贏縮等變斯應凶咎耳皇上試以臣言  
詰問臺官今日木星逆行應歷度與變色亂行與果有所謂  
合散犯守等變之異否想其說必窮矣夫臺官占奏固其職  
如昨者之解乃專歸咎更改蓋定欲陰壞嘉靖維新之治疑  
未必無所受也

設遷曰永嘉議禮能以辨博濟其說即論星歷亦援據不  
窮其見知于上非偶然也

丁未署都察院張璉申明憲綱

戊申兵部左侍郎張璉為禮部尚書


戊午左春坊左諭德顧鼎臣為學士左右諭德張璧許成名

俱侍讀學士洗馬張潮侍講學士

巡視倉場御史吳仲請濬通州開河戶工部侍郎王軌何詔

督役

己未起伍文定兵部左侍郎順天府尹萬鏞為南京右副都





御史

豐城侯李文為征蠻將軍總兵官鎮守兩廣

上作顯陵碑

初故少保兵部尚書陳洽于常州成化中征交趾戰死具衣

冠以葬武進人

辛酉行人潘銳免官銳有心疾適上朝持疏劾桂萼倉皇

出次下錦衣獄衛按問果狂易得輕論

壬戌提督總兵署都指揮僉事楊宏為署都督同知

選提學官直隸御史張袞鄭洛書浙江副使萬潮江西趙淵

河南魏校山東余奎四川韓邦奇廣西李中雲南唐胄福建

張邦奇湖廣許宗魯廣東蕭鳴鳳僉事貴州高賁亨

癸亥吏部尚書李承勛未至改刑部尚書進太子少保

右府署都督僉事劉暉卒


甲子 上諭大學士張璉朕有秘示其慎之勿泄璉請如

先朝楊士奇例賜銀章許之各二章曰忠良貞一曰繩愆弼

違賜楊一清曰耆德忠正曰繩愆糾謬賜翟鑾曰清謹學士

曰繩愆輔德賜桂萼曰忠誠靜慎曰繩愆匡違

乙丑少傅大學士謝遷入朝遷者宿于望寔皆重而楊一清



銜峻遂位一清下不能如梁儲之讓楊廷和也


給安陸守備太監蕭洪符幟

丙寅贛州府征徭民兵至韶州潰歸罪其首禍餘下王守仁  
撫定

侍讀汪佃嘗講洪範九疇不稱旨調寧國通判楊一清等導  
上選擇儒臣于是左右中允劉棟楊維聰侍講陳沂鄺灝脩  
撰蕭與成李方編脩劉泉宜外補上令再擇于是侍讀崔  
桐脩撰張衍慶陸鉞江暉編脩黃佐應良左中允邊蕙任深  
俱外補蓋張璉非詞林起家被初又被攻因外之遂改大理

寺左少卿黃綰為少詹事南京通政司右叅議許誥為侍讀  
學士南京尚寶司卿盛端明福建按察副使張邦奇為左春  
坊左庶子四川按察副使韓邦奇前山西按察副使方鵬為  
右春坊各庶子吏部郎中彭澤為右諭德刑部員外郎歐陽  
德吏部主事金瑬御史張袞為編脩  
祭酒嚴嵩請復舊制嚴考貢仍分給膳金從之  
山西潞城青羊坡賊陳卿作亂

壬申光祿少卿黃綰言運不藉河其河源但山東諸泉耳南  
旺馬場樊村安山諸湖為諸水鍾聚之所誠脩築隄岍挑去




沙土更引他泉別流者摠注其中漕河可不竭矣湖水長溝  
馬房南至釣兒口北至安山即古稱鉅野宋所云梁山泊也  
地窪下較湖水低甚改漕河經焉可免濟寧高泉淺澁之艱  
則漕亦何賴于河哉且漢唐宋粟皆仰給東南其漕道各曰  
自然之勢非人力惟元都燕始因山東諸泉躬此會通河  
在高原之上南北峻坂水勢曲下其間行舟惟仗諸閘蓄  
耳萬一風塵梗塞元為殷鑒願豫計而廣圖之詔河臣經度  
以聞摠理河道侍郎張拯言沛縣為淤運難遽達金溝口遶  
北新衝一渠與昭陽湖通宜令運艘假此道入于湖由沙河

板橋出先阻者可令西歷雞塚寺出廟道北口通行工部給  
事中張嵩上言湖地卑而河勢高引河灌湖必致瀰漫使湖  
道復阻將何以為計拯議亦如嵩言 上讓嵩詔擇諳達大  
臣寔心經國者往督之一時獻議如詹事霍韶左都御史胡  
世寧兵部尚書李承勛皆慮及溝漕阻而昭陽東新河之說  
起矣

十一月乙亥朔濬天津海口新河

丁丑庶吉士陸燾為工科給事中王宣御史王嘉賓鄺卞荆  
察林雲同俱戶部主事張鏊山禮部主事屠應竣袁袞趙時



春俱刑部主事郭秉璵張渠俱工部主事余棐大理寺評事  
李元陽王格張鐸連鑛俱知縣張璵謂庶吉士皆乳臭不堪  
教養又不當科道止就其榜第銓除于是無一留蓋初入相  
庶吉士不往揖嘽之

丙戌提督四夷館太常少卿兼侍讀謝丕回院召前司業陸  
深楊一清薦之也

丁亥提督糧儲右都御史方良永為南京刑部尚書


戊子吏部左侍郎方獻夫為禮部尚書仍兼學士直史館

庚寅左都御史胡世寧言 陛下至明屏除宿弊臣獨念其

間有事當言而過激心無他而見短若即長棄深可隱惜又  
恐中人惕禍遂怯正言而後有大事大奸莫之敢論臣請與  
吏部考覈之究其心之公私原其罪之輕重量其才之短長  
次第疏進庶無遺才 上善之考覈不行

十二月庚辰朔諭戶部酌錢鹽事宜尚書鄒文盛條鹽法六事  
禁私鹽禁占窩禁奏討明限期處餘盜添刷引又錢法三事  
遵制錢嚴私鑄順民情報可

丁未戶科給事中常泰刑部郎中劉仕成邊大理寺副杜鸞  
御世高世魁任淳姚鳳鳴刑部員外郎司馬相俱削籍右僉




都御史張潤御史已陞南京太僕寺少卿張英南京御史潘  
壯戚雄俱免官初李福達獄成泰等外逮未至至是謹斥  
戊申詹事霍韶條舊章十二事一洪武中傳諭百姓栽桑棗  
一永樂初命寶源局鑄農器給山東被兵之民一憲綱御史  
行守勸課農桑一洪武中遣監生分詣天下督脩水利一諸  
司職掌載各處開墾陂池可引水灌田一職掌載內外軍職  
俱有定額一洪武中軍職子弟襲職比試一太宗陞南征  
首功餘皆班賞一國初生員兼讀誥律教民榜文講大誥一  
國初給僧道度牒造周知冊頒行天下寺觀一永樂中私薙

髮為僧并父兄發種田北京一景泰中令各寺觀限田六十  
畝餘給民佃 上大是之下所司

太監張永提督團營

設遷口張永討真鐫未渡河而叛人先就繫矣計除逆瑾  
雖其腹畫而永又一瑾也特不覲覲神器耳幸 上廢斥  
而楊一清盛稱其功夫密勿重臣所吐握者何限而並  
于故閹之是薦果以人事君之道耶

刑部尚書李承勛上足食足兵八事選京軍以壯根本止操  
調以寔內地足衣糧以卹邊民振紀綱以申軍令謹收納以



以清宿弊便輸納以甦民困定經制以裕國用致中和以感  
化育下所司議聞

壬子禮部尚書方獻夫請禁度尼妖變賣庵寺從之仍清覈  
僧道戒私創寺觀庵院江西提學副使徐一鳴先毀寺觀逐  
僧道被逮獻夫等申救尋釋

甲寅左春坊左贊善費采為南京尚寶司卿左中允邊憲為  
山東布政司左叅議右春坊右中允楊維聰為山西按察司  
副使

丙辰巡撫應天右僉都御史歐陽重改撫雲南


丁巳山西按察使唐龍為太僕寺卿吏部尚書桂萼上禹跡九州圖


己未大學士楊一清上營務六事曰兵部尚書事煩不宜兼  
掌營務乞擇都御史專提督曰擇將領曰慎選鋒曰嚴訓練  
曰禁科刻曰查馬匹命行之  
戒章奏頌詞下都察院榜示中外

庚申靈寶黃河清五十里

辛酉起周季鳳右副都御史總理糧儲兼巡撫應天

癸亥先是土魯番酋滿速兒數遣其屬牙木蘭求貢願歸哈





密地部議彼狡未可信吏部尚書桂夢曰彼既屢懇不及今  
 懷之則哈密之地何時可歸邊何時息也當留質牙木蘭  
 遣諭滿速兒訪哈密之後還其城印方許貢遂下禮兵二部  
 議亦如之前巡撫陳九疇太監董文告捷云滿速兒牙木蘭  
 敗沒而番文求貢則滿速兒牙木蘭也 上疑之會錦衣衛  
 百戶王邦奇訐九疇等開釁冒功 上怒逮金獻民陳九疇  
 等下獄令甘肅遣撫夷官諭滿速兒  
 甲子旌靈邱王府鎮國將軍成鏞孝行廬墓  
 丁卯李承勛改兵部尚書兼右都御史進太子太保提督團

營胡世寧改刑部尚書兵部侍郎伍文定為右都御史

壬申提督四夷館太常少卿劉天和為右僉都御史專督甘



肅梁儲屯政

諭撫臣忌辰祭不用袞冕

上不豫朝臣候起居尋體平諭元旦視朝


國家圖書館, NATIONAL CENTRAL LIBRARY, TAIWAN, R.O.C.

Vertical columns of faint Chinese text on the right page, including characters like 不, 覺, 障, 目, 對, 映, 亦, 能, 見, 其, 影, 也.












國家圖書館, NATIONAL CENTRAL LIBRARY, TAIWAN, R.O.C.









國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.






















國家圖書館, NATIONAL CENTRAL LIBRARY, TAIWAN, R.O.C.





國家圖書館, NATIONAL CENTRAL LIBRARY, TAIWAN, R.O.C.




TIFFEN Color Control Patches


© The Tiffen Company, 2007

Blue	Cyan	Green	Yellow	Red	Magenta	White	3/Color	Black
[Blue patch]	[Cyan patch]	[Green patch]	[Yellow patch]	[Red patch]	[Magenta patch]	[White patch]	[3/Color patch]	[Black patch]





國家圖書館, NATIONAL CENTRAL LIBRARY, TAIWAN, R.O.C.







國權

嘉靖七年戊子

正月甲戌朔甘露降長泰龍溪等縣

乙亥日重暈生珥左右有戟俱赤黃色又白虹彌天良久散

戊寅秦府鎮國將軍誠深及其子秉榆秉枋有罪降為庶人

己卯授知縣王準高節徐俊民為禮兵工科給事中

庚辰御史吳仲劾武定侯郭勛不法藉口大禮大獄益驕縱


請正其罪上責仲假大禮大獄傾陷勛臣贊勛不問

國權

嘉靖七年

一

國家圖書館, NATIONAL CENTRAL LIBRARY, TAIWAN, R.O.C.





壬午虜百餘騎掠開原靖安堡叅將閻振等追斬六十餘級  
夜月犯六諸王東第一星

癸未進張璫桂萼兼太子太保俱辭尋進璫少保

行巡撫久任法考覈去留罷河南巡撫蔣瑤夜月犯井宿

甲申授推官范安未觀知縣周相張景陳世輔葉照王儀俞  
稷為御史兵部主事馬敬改御史

發山西三關兵討青羊山盜仍詔鄰境嚴兵


乙酉總督河道右副都御史盛應期言沛縣以北河道其形  
卑下故沙淤易澱不疏濬終不能令運道無梗也臣博訪

便宜咸稱昭陽湖東北接沙河南接留城延袤百四十里誠  
穿一渠以通運而又築閘壩水門時其節宣較之濬舊河勞  
佚遠甚約役六萬五千人費二十萬度六月可罷廷議許之  
周倫為兵部左侍郎王廷相為兵部右侍郎

丙戌上南郊

辛卯上海辰拜天宮中輔臣以勞止之

提督太監張永簡京營原額兵十七萬七千有奇今五萬四  
千四百有奇馬十五萬二百餘匹今萬九千三百餘匹下兵  
部議補



壬辰浙江福建湖廣江西左布政使潘瓊朱廷聲潘珍葉相  
並為右副都御史巡撫河南湖廣遼東貴州山東陝西按察  
使王應鵬翟鵬並為右僉都御史巡撫保定寧夏湖廣巡撫  
孫修改右副都御史提督操江  
癸巳免平涼田租

甲午南京兵部尚書李充嗣致仕

夜月犯氐宿東南星


丙申楊一清上甘肅召商屯田事宜下督王憲劉天和區畫

吳瑞登曰按鹽自為益屯自為屯則邊計之費亦已久矣

惟若一清之議益與屯相為表裡則定邊之計亡逾于此  
召商開中誠善策也然本土無所糴買而徒輸內地之粟  
其為力也勞其為費也廣商人筭計多寡惟願為之惟于  
商之上納苟從其輕而又于邊之屯種稍有所積則為商  
者或運于內地或糴于邊方各有所利則開中自廣國初  
之初便自可復不然如漢之贖罪拜爵納粟入邊亦一良  
策也然行之終未見其有成效豈不得其人而然耶

覈馬牛羊等房芻料

前甘肅巡撫都御史陳九疇下獄



丁酉錄舊將

戊戌旌慶成王奇瀆孝行

夜月犯建星第二星

巳亥順天府尹陳祥為右副都御史總理南京糧儲

壬寅禮科右給事中蔡經等請罪人付中外法官罷遣錦衣

官校從之蔡經即張經復姓

是月餘杭知縣王確奏冤獄係蔡富于財而罪非所死臣若

生之人且疑鬻獄臣有子民父母之責請身詣詔獄廷辨其

事如妄言甘伏故出之法上從之蔡未減尋確憂去蔡母

餽百金確曰令知民寃民顧不知令志耶固卻之

二月癸卯朔定廟祭類稱太廟稱七廟禘祭稱十廟

永平府旱蝗

甲辰鎮雄府叛夷平

丙午免寧波田租

補築陝西邊牆初楊一清欲築延綏寧夏邊牆三百里會去

官止築四十里至是工科給事中陸察言其利從之


戊申選各省兵備官及邊方知府

甲寅外戚邵杰嗣昌化伯

國權

嘉靖七年

四



山西官軍討潞城縣青羊山盜敗績賊執潞安知府王朝雍  
郭鑑殺指揮秦洲等

太僕寺卿唐龍為右僉都御史提督漕運兼巡撫鳳陽

陝西提督王憲改南京兵部尚書起尚書王瓊為陝西提督

丁巳 上作燕弁服忠靖冠

庚申翰林院立敬一亭勅御製箴仍行南雍天下儒學

辛酉處州知府潘潤請復劉基伯爵

甲子增設鎮撫河間保定提兵官都督同知魯綱以京營五  
百人往

三月壬申朔兵部右侍郎王廷相兼右僉都御史提督延綏寧

夏邊防築垣

癸酉河南盜平

乙亥鎮遠侯顧任隆卒謚榮靖

丙子賜張璉姚溪書院曰貞義堂曰抱忠

丁丑夜月犯天閔星


戊寅大學士謝遷致仕遷應召年已八十詆楊一清下默  
不能展遂求去

馮時可曰餘姚懸車杜軌已二十有二年矣乃再入當軸

國權

嘉靖七年

五



豈不知永嘉遇主安仁窺鉉即巴陵再相志亦難行而欲  
殫我康猷可乎哉及徘徊瑣闥側目新貴抗顏慮貝錦之  
虞繞指懼不恒之羞而後幡然長往亦晚矣是以君子貴  
慎始也

己卯各御史會薦致仕尚書羅欽順秦金趙璜左都御史姚  
鏌右副都御史林廷玉楊志學張璿南京祭酒魯鐸右通政  
李先吉 上責其私非可用才郝元洪周在徐州謫外餘俸  
各奪二月

重校會典增訂之


戊戌大學士楊一清言今日急務宜先收土官之心破其從  
逆令鎮巡官馳諭朝廷威德鳳朝文安銓自作凶孽爾等世  
職各出兵協討又土官土舍應襲鎮巡官速上吏部嗣職不  
必展轉駁勘兵興糧阻榜示各都司衛所官輸百石陞一級  
襲一輩定例仍給札千餘又諭雲南僑人復業 上從之  
己亥試監察御史周相諫河清祭告郊廟下獄至是謫韶州  
府經歷

禮部右侍郎徐縉改吏部禮部左侍郎李時改戶部大理寺  
卿劉麟為刑部左侍郎

國權

嘉靖七年

六




庚子工部主事胡明善改御史朱孔陽朱廷立李宗樞傅鳳翔教鉞傅鶚楊東為試御史呂景蒙喬英朱紱余勉學方日乾為南京御史

四月壬寅朔乙巳南京吏部右侍郎李廷相疾罷

都督桂勇總兵官會河間保定總兵魯綱等協捕京東流盜庚戌諭百官脩省求直言

詹事霍謫為禮部尚書南京祭酒湛若水為南京吏部右侍郎右僉都御史熊浹為大理寺卿始遣朝臣主試各省鄉試浙江工科給事中陸燾郎中兵部

華鑰江西兵部郎中盧襄刑部主事屠應竣福建兵部員外郎陸銓刑部刑主事江以達湖廣戶部郎中郭日休禮部主事吳龍河南吏部主事蕭璆刑部主事袁襄山東禮科給事中劉世揚刑部主事陳箎山西禮部郎中邱其仁國子監博士王廷陝西戶部主部王嘉賓行人李仁四川戶部主事廩汴大理寺左寺副王鴻漸廣東吏部主事王激大理寺評事徐棐廣西刑部郎中祁勅戶部主事林雲同雲貴兵科給事中商大節戶部主事陳良策給駟以行庚申左春坊左庶子兼侍講張邦奇為南京祭酒



詹事霍謫辭新命撰成書許之

壬戌熊浹為右副都御史陳璋為大理寺卿

癸亥巡撫四川右副都御史丁沂疾去

乙丑套虜近邊太子太傅惠安伯張偉為平虜將軍揚威營

都指揮同知劉玉伸威營都指揮僉事蕭澤為左右叅將勒

兵待命

丙寅南京禮部尚書沈冬魁致仕

己巳順天府丞唐鳳儀為右僉都御史巡撫四川

詔吏部詳近年謫降官所由以聞

庚午祭酒嚴嵩為禮部右侍郎

五月辛未朔甲戌提兵官桂勇報勘盜賜金幣仍還巡撫

丙子復鎮雄府土官

丁丑禮部左侍郎劉龍為南京禮部尚書


己卯司業陸深服除為祭酒

宥陳沈死仍予冠帶錦衣千戶陳紀奉命上獄詞前吉安知

府葉應驄坐奏事不定削籍潮中黃縮謫知州潮陽知

縣伍鑑城旦御史藍田削籍韶州知府唐昇謫允經勘

官各奪俸又出郎中劉勳御史熊蘭冷相罷叅政李銳僉事




施儒

壬午提督兩廣軍務新建伯王守仁招降田州盜盧蘇王受  
投南寧受杖乞立功自贖宜量授土官 上嘉其功勅遣行  
人獎賜金幣

田汝成曰嗚呼予涉廣西聞父老言田州事未嘗不三歎  
馭夷之失策也國家以土官治南蠻蓋用人疆以戎索之  
意自韓襄毅之後而軍門號漸已不張要皆自致岑猛令  
倚強跋扈罪誠有之誅其君而弔其民誰曰不可盛應期  
始以私望當猛大逆何以服其心也盧蘇倡亂抗敗王師

雖八議不宥新建受鉞專征摠制四省扑殺此獠直拉朽  
耳而顧以姑息訖事何哉副使翁萬達曰新建之將薨也  
予適侍側言田州事非我本心後世誰諒我者而叅將俞  
恩亦言田州乃陽明未竟之功然岑猛寔伏誅而疏言病  
死蘇受大憝漏網而成稱其功此何解也迨乎盧蘇再叛  
弒主犯諸酋之怒當是時陶諧肯以一札詰之正名其罪  
可不遺隻鏃費斗糧而此獠麤粉矣蔽奸罔上失諸夷心  
彼其人寧復顧國家大體哉予又聞負外吳昺曰新建之  
起用思田也蓋桂夢之功居多云夢自以遭時際主致位





輔宰非立奇功不足賈重後世會安南有亂莫可傳檄取  
之乃陰以意指授守仁若專為思田出者使密探安南要  
領而守仁竟忤夢指直于奏尾稍及之夢遂恚憾會守仁  
物故而以他事發怒詆其名嗚呼使其然謫秘又何如也

陝西按察使李如圭為右僉都御史

癸未戶部左侍郎李時改禮部左侍郎直講大學衍義

再提督兩廣姚鏞與御史石金訐奏奪鏞官閑住

甲申黔國公沐紹勛破土寇安銓等賜勅優賚


甲午前兵部尚書金獻民下獄奪秩

乙未旌靈邱王府輔國將軍聰測孝行

大學士楊一清言今日之務在省事不在多事在守法不在  
變法在安靜不在紛擾在寬厚不在繁苛臣謹就其急且要  
者曰舉賢才以充任使曰收人心以固邦本曰求直言以防  
壅蔽 上是之

丙申巡按直隸御史張恂至保定悍卒群訴知府屠僑虧餉  
副總兵陳謹諭解

六月辛丑朔明倫大典成 上序之宣史館頒天下楊一清加  
正一品廕尚寶司丞進張璫少傅兼太子太傅吏部尚書謹




身殿大學士翟鑾禮部尚書兼文淵閣大學士桂夢少保兼  
太子太傅並蔭中書舍人方獻夫太子太保熊浹左副都御  
史霍韜禮部尚書黃維詹事

壬寅番夷牙木蘭帖木哥土巴率衆內附牙木蘭為滿速兒  
所趨懼誅而罕東番族帖木哥土巴者土魯番歲徵其婦女  
牛羊不勝侵暴于是盡率其族帳來求附提督尚書王憲言  
牙木蘭土魯番腹心土巴羽翼也內相猜忌挈族來歸中國  
之利也

癸卯勅定議禮諸臣之罪前大學士楊廷和削籍故禮部尚

書毛澄奪官前大學士蔣冕毛紀尚書喬宇汪俊各鐫秩閑  
住林俊何孟春郎中夏良勝俱削籍餘不問而良勝輯銓司  
存稿廣東叅政張懷授知府湯朝煥刻之張璉等劾為妖言  
遂逮良勝朝煥謫戍懷罷官良勝卒于戍所諫南巡爭大禮  
並被杖人咸壯之

林之盛曰夏公再被杖忠愛豈為名高及讀銓司存稿不  
過議禮諸疏非有鴻寶風角之左白蓮推背之異也何名  
為妖言而竟不免于戍妖言王法所禁豈永嘉亦借以誅  
不附已者而不一思之乎前乎此者鄒汝愚以諫括劉吉



吉欲甘心焉坐之以妖言後乎此者郭中允以諫悟嚴嵩  
嵩欲甘心焉亦坐之以妖言 高皇禁奸之典竟為方正  
國事之悟而此法滑用貽害可勝道耶古之忠臣愛君必  
防其漸試考當時若道士邵元節吳尚禮等三清等錄紛  
紛于此指其妖入告我后則 肅皇晚年必不惑于玄文  
不此之妖顧摘異已者以為妖張桂相業所以未純與  
憲廟賢妃柏氏薨

乙巳通惠河城

丙午王守仁奏田州改田寧府設流官別立田州有岑猛幼

子邦相授吏目署州事盧蘇王受為土巡撫檢思恩流官仍  
舊從之


戊申諭禮部加 獻皇帝謚號章聖太后尊號

壬子通政使羅欽忠為左副都御史總督南京糧儲

宣府提兵官邵永疾歸

癸丑編修江汝璧為南京司業

詹事霍韜力辭禮部尚書且云弘治初天下武職不滿三萬  
錦衣衛官僅逾二百迄今寢增何啻數倍其他冗員蓋可類  
推賦額有限耗費亡涯更數十年不知何策以善其後今翰



林脩書而陞日講而廢御史紀功而賞巡撫又廢武職冒濫  
如此臣可隨流而趨乎 上不允

工部主事何棟駐通州料理歲運

乙卯南京刑部主事陸澄以議禮上章追悔 上原之

戊午署都督僉事趙瑛為總兵官鎮守宣府

己未復陳洗官進一秩桂夢霍謠俱訟其枉

監生陳雲章授國子博士霍謠薦之

旌趙王厚煜孝行


丁卯免河間保定順德真定廣平大名水災田租

叛舍鳳朝文安銓兵敗走死雲南平

已巳侍讀學士許誥上所撰通鑑綱目前編圖書管見太極  
圖論留覽

虜犯大同中路叅將李泰擊斬十九級

七月庚午朔大學士張璠請宣諭內閣絕讒邪清政本云內閣  
自三楊之後為奸人鄙夫貪汚亡耻習以為常又間廢有年  
仍求起用去而復來略不自懲前非來而復去猶且陰為後  
計蓋明斥楊一清也一清起家由璠等雖敏練見知頗不自  
安請賀河清獻甘露迎合上心又超進璠等而璠等輕一清



復持後進禮氣凌之矣

已卯 上詣奉慈殿上 孝惠康肅溫仁懿順協天祐聖太

皇太后尊謚詣 世廟上 恭睿淵仁寬穆神聖獻皇帝尊

謚成國公朱麟禮部右侍郎嚴嵩有事顯陵即賫冊寶往

刑部左侍郎劉麟為工部尚書

辛巳上 章聖慈仁皇太后尊號

壬午行人何祉推官田秩知縣曾仲魁魏良弼為給事中

罷昭陽湖新河之役功且年旱災脩省議者格之

召盛應期還朝

漳州推官黃直被降道上疏早定儲儀下錦衣獄尋釋

甲申巡撫遼東右副都御史張雲疾去

刑部右侍郎許瓚為左侍郎南兵部右侍郎為刑部右侍郎

丙戌浙直織造太監張志聰有罪免耿隆代

戊子錦衣指揮僉事莆田聶能遷初附錢寧冒功被汰遂附

崔文復秩又議禮未陞怨黃綰纂脩削其草誣綰為王官仁

賂席書見召綰疏辨下法司獄上戌。


庚寅刑部尚書胡世寧薦霍謫為左都御史兼學士不入院

專論糾彈 上嘉之

國權

嘉靖七年

十四



南京雨黑雨血水

辛卯兵部右侍郎王廷相刑科給事中陳臯謨覈御馬監  
勇士

工部右侍郎潘希曾兼右僉都御史總理河道

陝西盜平

甲午南京右副都御史萬鏜為南京兵部右侍郎

八月庚子朔巡撫右副都御史張縉疾去

命誥勅務從簡實

辛丑召南京工部右侍郎何塘于工部

諭群臣肅朝儀

甲辰大學士張璠請編纂所賜御札從之

乙巳光祿少卿蔡亨致仕亨前興王府伴讀

丁未右春坊右諭德兼脩撰韓邦奇方鵬主試順天


戊申三邊提督仍稱總制

辛亥王存守仁討八寨等叛徭

祭故四川按察使東陽胡文璧文璧方猷練達自戶部主事

歷郎中正德己巳改御史風裁凜擢太常少卿憂去起守

鳳陽調保定尋遷天津副使以禁草皇莊下詔獄謫延安檢



校 上初起蜀臬未赴著有文會錄耒陽遺記

壬子免河南開封彰德衛輝懷慶旱災田租

丁巳湖廣容美宣撫司龍潭安撫司人貢皆千餘人命裁之

辛酉兵科給事申史立模謫通州判官立模嘗疏朝覲禁約

事宜 上是之諭部院毋得偏聽尋諭吏部立模意在拒絕

人言調外

禁鎮守內臣搃兵受軍民詞訟

癸亥番夷帖木兒既降所部日至命安輯其願還沙州者聽

甲子大學士楊一清數求去不允一清雖首揆老成而上

方重張璁氣盛下視六卿桂萼同進非故知也萼所建白

往得抑用是俱憾璁而一清又自與萼隙三人鼎詆而一

清尤見齟矣

己巳盜伐安陵木


九月庚午朔罷搃督河道右都御史盛應期及郎中柯維熊初

維熊贊新河之議後論者紛起維熊又甚言不便應期亦上

疏自理兩去之

吳道南曰新河之議後歷三十年卒循遺跡運道蒙利乃

知不可慮始非獨凡云民



乙亥提督南京糧儲都御史羅欽忠仍為通政使

已卯刑部尚書胡世寧言新河之役首倡自臣而僉事江良材疏與臣合盛應期遂為國家興莫大之役初期以六月應期督急蒙罪非不幸也獨念國家債事必追論首議之臣臣宜同罷庶令天下後世知我皇上賞罰之公亦以明臣子不敢欺之義 上慰留之

庚戌裁巡撫江西都御史

辛巳旌故汀州知府張寧妾高氏李氏貞節寧為先朝給事中無子卒令二氏改適不從斷髮毀容紡織自給伶仃苦楚略無異言鎮巡以聞故有是命

壬午浙西災折田租加賑

癸未命禮部尚書方獻夫大書各處災異進覽

甲申以災傷諭戶部都察院酌議賑濟


右春坊右庶子韓邦奇南京太僕寺丞御史周易謫南京

府軍右衛經歷右庶子方鵬罰俸四月以進試錄錯悞也引

用經文錯亂二語截除數字提學周易勅之而疏中亦誤于

為於海隅為海字光輝為光暉部覆周易欲舉人之差謬而

已亦錯謬俱降一級






己酉巡撫寧夏右僉都御史孟洋總督南京糧儲  
丙戌官軍討青羊山盜久不克召山西巡撫常道入朝巡撫  
保定王應鵬改巡撫山西  
辛卯 皇后不豫泰和伯陳萬言求妻入視不許  
壬辰前太子少保南京兵部尚書李克嗣卒四川內江人成  
化丁未進士授戶部主事改刑部忤逆瑾調判岳州進僉事  
累右副都御史南京戶部右侍郎工部尚書兼撫江南治水  
利進令官有器度幹局嚴辦性儉素好學祿食輒散之貧乏  
贈太子太保贈康和

癸巳南京太僕寺卿錢如京為右副都御史巡撫保定  
甲午貴州兵討芒部沙保數年無功兵部尚書李承勛言處  
置乖方未其心提督尚書伍文定當為遠筭毋專用兵隴壽  
子勝的裔推重巡按四川御史戴金請量授一銜以收夷心  
威清兵備韓任英駐安莊衛專制安南普安仍于貴州添僉  
事分巡畢節烏蒙烏撒鎮雄東川赤水永寧從之下黔國公  
沐紹勳等議之召伍文定入朝

郭子章曰芒部之役始議改流繼議立土伍文定主勦戴  
金主撫後事雖稍改而改流主剿者未為失策也蜀之改



流者馬湖龍安建武黔之改流者思石鎮遠銅仁滇之改  
流者武定順寧今遵義平越又改流矣何禍亂之足虞而  
獨于芒部不爾耶機會可惜張皇不定至今黔蜀人猶枕  
腕云

乙未逮浙江巡鹽御史王朝用以枉道過其里尋免逮遣錦  
衣衛千戶會勘坐罰金

十月己亥朔庚子 皇后陳氏崩禮部上喪祭儀注 上疑過  
隆冬更議遂酌舊儀以請 上手自裁定初喪三日朕不視  
朝如常朝兩宮服淺色衣玉帶還畫事親之道第四日始成

服朕黑翼善冠素服犀帶視朝十二日盡杖期以日易月之  
義百官如舊儀閣臣擬 上宜素冠服經帶十二日其後乃  
服黑翼善冠犀帶前後二十七日俱御西角門視朝百官皆  
素經二十七日以後 皇上御奉天門百官乃更素服角帶  
上心許之忽降制曰朕當黑冠素服降之九日而釋可矣張  
璫等奏日記曰天子之與后猶父之與母也故為天子服斬  
衰父之義也為后服齊衰母之義也又按昭公十五年六月  
乙丑周景王太子壽卒秋八月戊寅王穆后崩叔向曰王一  
歲而有三年之喪二焉蓋古禮父為子夫為妻皆服三年觀

